

IZVOD IZ ZAPISNIKA

sa održanog 4.sastanka Privrednog savjeta Općine Bosanska Krupa

Sastanak održan dana 15.12.2015.godine u Sali za sastanke općine Bosanska Krupa

Prisutni:

Armin Halitović, načelnik, predsjedavajući, Sejad Mujagić, zamjenik predsjedavajućeg, Samir Mesić, Šefik Veladžić, Hikmet Todorovac, Ismet Ibrahimbegović, Esma Hergić, Razija Skenderović, Azra Huzejrović, Sedić Semira, Kasim Šertović

Adis Muharemović, Ministar obrazovanja, nauke, kulture i sporta USK-a.

Predsjedavajući Privrednog vijeća g. Armin Halitović otvorio je sastanak i pozdravio sve prisutne i naglasio da je sastanak organizovan da bi se razgovaralo o usklađenosti/neusklađenosti obrazovnog sistema sa potrebama tržišta rada u Bosanskoj Krupi.

Nakon uvodne riječi načelnika Armina Halitovića i predstavljanja ministra obrazovanja, nauke, kulture i sporta gospodina Adisa Muharemovića obratili su se privrednici sa svojim problemima:

G-din Sead Mujagić, MSŠ“Safet Krupić“ jedina je na području općine koja obrazuje šumarske, drvne, mašinske i tekstilne tehničare. Već godinama se proizvodi kadar koji redovno završava na Birou za zapošljavanje, npr.uzet ćemo tekstilce kojih je trenutno 260 na birou. Potreba za njima prije rata je bila veća ,ali u Bosanskoj Krupi trenutno nema niti jedna takva slična firma.

Gospođa Azra Huzejrović, kaže da imaju problem s djecom koja su završila srednju školu bez adekvatnog znanja , bez ijednog dana prakse.

Ministar Adis Muharemović, ovo nije problem koji ima samo Bosanska Krupa, već je to problem cijelog kantona pa i BIH. Problem je upisna politika koja nije usklađena po potrebama tržišta rada. Treba prije upisa napraviti Analizu koja će reći koje se sve struke traže na našem tržištu i onda mi upisujemo takve struke koje će moći kasnije naći posao.

Gospođa Esma Hergić, kaže da na sjednici Općinskog vijeća koje je održano prije nekoliko mjeseci, usvojen zaključak da se direktorima škola uputi inicijativa za analizu trenutnog stanja u oblasti obrazovanja, da urade elaborate i pokrenu inicijativu za uvođenje novih smjerova.

-Podrška ministra za uvođenje novih smjerova postoji.

Gospodin Armin Halitović je naglasio, mi smo već dugo svjesni da sistem obrazovanja nije adekvatan sa trenutnim potrebama privrede, iz tog razloga bilo bi dobro da se organizira sastanak Privrednog vijeća sa ministrom obrazovanja USK-a, što je danas i učinjeno. Zadovoljan sam sastankom ,ministar je dao obećanja da će u što većem obimu pokušati da te potrebe privrede u Bos Krupi polako ulaze u Program ministarstva i u odabir struke koje će se učiti u srednjoj školi Bos Krupe.

Sastanak završen u 10,20 sati

Zapisnik pripremile:

Esma Hergić,s.r.

Selma Šehić,s.r.